

# PAPAKILO

Hawaiian Newspapers Collection [Menu](#) ▾

Translate  
www.hawaii.org

[Ka Nupepa Kuokoa](#) / [14 October 1871](#) / [Na hiohiona o ka aina Waimanalo.](#)

Ka Nupepa Kuokoa, Volume X, Number 41, 14 October 1871 —  
Na hiohiona o ka aina Waimanalo. [ARTICLE]

[Back](#)

## Na hiohiona o ka aina Waimanalo.

Eia no ke waiho nei ka aina kēi-kua o Waimanalo nei, ma ka aoao Hikina He- ma o ka mokupuni o Oahu nei, e huli ana kona alo i ka Hikina, i kahi a ka la e puka mai ai.

Ua hoopuniia keia aina e na pa kiekie ma na aoao ekolu, a ma kona aoao Hiki- na, ka moana kai lipolipo; a makai aku, iloko o ka moana, he mau puu ekolu, i hiki aku ko lakou kiekie pakahi i ka 300, a i ka 400 a me ka 500 kapuai.

O ka ili o keia aina, he ponaha kula papu, e uhiia ana e na eka ili aina kua, i aneane aku i ka 3,000. A o ka ona

nona keia aina, o Thomas Cummins a me kana keiki John A. Cummins.

Ma ka aoao Komohana Akau o keia aina, na puu kaulana o Olomaa, Ahiki a me Pakui, i hiki aku ke kiekie i ka 900 950 a me 1000 kapuai. He mau puu kua ia i ka wa kahiko.

Ke moe nei ka muliwaī o Puha, ane- ane ekolu hapaha mile ka loa. A ma ko- na aoao akau, ka pali o Puahia me kona mau lau lipolipo o ka wao. Ma ka we- lau o keia pali, ke ana i hanau ai o Kelii- kuhiau, ke kanaka i hanau, a nui, a ele- makule, a make no i ka la hookahi. Ma- lalo iho, ka ea-maia a Palila i ai ai a ana. A maluna aku, elua lua pele. Ma keka- hi o keia mau lua, kahi i noho ai o Wa- ka me Punaaiikoa, a holo ai o Punaaiiko- ae i Hawaii, i o Pele la, a pakele i ka make ia Kalamainuu, (o Waka no ia). A makai ae, ke ana o Hinale, ke kaiku- nae o Kalamainuu, ka mea nana i hoama-

huka ia Punaaiakoae. A ma kapa mai o ka muliwai, ke kapuahi oopu a Luhia i olelo ai, "Ma ka apua ke ola e na pokii."

O ka nui o na kanaka ma keia aina, aneane 180. O na haumana kula he 30. O ka hapa nui o na hale o keia aina, he 30 a oi aku, a ke emi iho nei na hale pili e nalo. A ma kekahi o na hale, ua loa na wati kiai hale. A ke ala nui mai nei na kanaka o keia aina i ka nobo'na maemae; o ka hua no ia a ka pono Kristiano e hoohua ae la.

O ka nui o na hoahanau ma keia ekalesia, ua 100 a oi aku. O ke ola o ko lakou Kahu Ekalesia a lakou i hooholo hou iho nei, he \$200. no ka makahiki. Ua paa iho nei ka halelaau no ko lakou Kahu, he 30 kapuai ka loa, he 54 hoi ka laula, a 9 kapuai ke kiekie. Ua komo hapa ke Kahu n me ka Ekalesia iloko o na hale la e mehana aku paha e lawe

ua hooia, a maopu aku paha, e lawe loa ana ka Ekalesia i ua hale la no lakou.

He 27 a keu aku ka poe lawe Kuokoa maanei, a o ka poe lawe Au Okoa, ehia la? No kona makau no paha i keia aina, hiki nui ole ai ia ianei.

O na haumana Kula Sabati, he 60 a oi aku, a emi mai paha; he ano akuaku no kona holo ana imua, aka, ke hoomanawanui nei no nae kona mau olali; a o na hana o ka pono, ke holo nei no.

ANIKI.

This article has been automatically clipped from the Ka Nupepa Kuokoa 14 October 1871, organised into a single column, then optimised for display on your computer screen. As a result, it may not look exactly as it did on the original page. The article can be seen in its original form in the [page view](#).